

爾南京江西道監察御史李希孔妻贈孺人明氏靜
合圖言道契型範密操家棟不言鹽米之煩潔庀賓
筵無怠籩豆之敬續膏以襄丙夜脫珥而佐西藏將
翺將翔已愜弋加之願遺珪遺佩遂成封覆之悲茲
用加贈爾爲孺人留彤史之蕙芳慰明綸於蒨管
敕曰諫官執簡交戟持斧方隅不遑問廷屏矣苟得儆
夜視星之賢相與商人材而權政務君子謂之良朋
爾南京江西道監察御史李希孔繼妻董氏鍾禮郝
法桂馥蘭芳靜好而紹前徽儉勤以襄家政穆章克
備免薨孝佐陔蘭贈佩式惕履綦敬昭泚藻庭無嘻

譚室有肅雝眷子執法之賢實爾閨英所贊茲乃封
爾爲孺人翟服被其光榮燕寢申夫儆戒

敕封南京江西道監察御史李希孔父原任柳州經歷

李大遇

泰昌元年

敕曰朕惟儒效之益於世毋問大用也卽一命一官得
儒者緣飭其間就有高風遠致盛業可傳使沒世而
後猶得摘離于不朽爾原任廣西柳州衛經歷司經
歷贈徵仕郎中書舍人李大遇乃南京江西道監察
御史李希孔之父才猷蔚練德聲含宏壯志屈於詩
書餘才試諸法律爾其識文無害大小以情肯綮熟

嘗胸具征南武庫揚職惟謹膝抱令史文書代匱者
三行德不數庭有懸魚之潔野多佩犢之風忽投轄
以言歸理荒松徑肆傳經而啟後蜚譽蘭臺念爾未
竟之猷特疏有赫之寵茲加贈爾爲文林郎南京江
西道監察御史青箱之澤如在元嶠之賁洊申

敕封廣西橫州知梁允泗并妻方氏

天啟二年

制曰朕維詩書絃誦無非摹古以淑人而寬猛剛柔皆
以能吏爲儒効故方州之任千里師帥非經術優長
不與焉爾廣西南寧府橫州知州梁允泗學有本源
材多駿韞早擅青氊絳帳於下國遂躋典樂教胄於

上庠當四方文行波靡之時正一人願治風動之想而爾獎率不勑訓誨有方欣茲首善以佐新何難荒陬而興化雙旌五馬知爲一路福星剖竹分符務究遠人渥澤是用覃恩授爾階奉直大夫錫之誥命夫橫槎爲兩江襟會交廣劇衝土弁之叢穴旁窺薦饑之凋瘵未起所賴教思容保在守土之良崇陟顯褒有成熙之績將考厥成而嗣圖之爾其欽哉

制曰人臣宣勞於國必有佐仕於家古者葛覃儉勤而素絲起化良有以也爰嘉婉賢豈靳從貴爾廣西橫州知州梁允泗妻方氏出自名族夙秉女貞在貴不

驕宛然持服下車之始承先必愍恪矣盛篴湘錡之
風迨夫子分魚佩於方州正室人戒鷄鳴于中閨自
公夙夜知無筦簞之晏安樂職中和想是琴瑟之靜
好是用封爾爲宜人尙祇迓乎鴻休更慎修夫燕譽
敕贈奉直大夫橫州知州梁允泗父梁鐸并母宜人譚
氏

制曰砥行積學之士而名不出於鄉則必厚儲濬發於
其子蓋火宿彌壯水瀦彌盛天之道也爾生員贈國
子監助教梁鐸乃廣西南寧府橫州知州梁允泗之
父善不近名學惟摹古是亦爲政孝友篤於家修遺

之以安經術勤於庭訓獎率人倫之有道表正鄉曲
之彥方固將與萬石齊名豈但以五馬馳寵爰申再
命特沛覃恩是用贈爾奉直大夫如子官延式穀以
彌昌耀焄蒿而永懌

制曰猗蘭幽潔而國香仙李盤根而實茂人亦有之實
可豆登國可服媚安得忘其報也爾譚氏乃廣西南
寧府橫州知州梁允泗之母淑慎其儀柔嘉維則階
隱早能挽鹿而家秉裕於勤儉課子無事和熊而義
方得於慈煦修閨門之雍穆釀人世之吉祥洵教國
起於教家非是母不能是子祿雖不逮榮實無窮是

用贈爾爲宜人龍章賁於立扁鸞采留於彤管

敕封浙江紹興府諸暨縣知縣梁燿書并妻游氏

崇正二年

敕曰朕思泰寧之理惟綏輯斯民是急故司牧之臣有能厘卹民隱懋著勞勛者乃所深嘉焉爾浙江紹興府諸暨縣知縣梁燿書學識宏深氣資朗茂擢自賢書簡司名邑而爾律已嚴勤蒞民愷弟游刃而盤根用解四履風清鳴琴而雅化以敷一同政浹幹濟之聲蔚起汪釀之澤旁流茲以覃恩特授爾階文林郎錫之敕命凡猷爲經始難成緒易而牧民者閱歷久則於利病益悉爾今以業就之緒益加振刷其毋替

初忱以膺後命

敕曰宰民者至絃歌之化蒸蒸浹於四履則其中間有
琴瑟靜好之助豈顧問哉爾浙江紹興府諸暨縣知
縣梁燿書之妻游氏誕貞名閼儷美儒英早嫻姆訓
承怙恃以無違旣惇婦儀奉舅姑而有則贊志鵬搏
著聲梱政民勦藉閨襄以茂懿名偕牧秩同頒茲以
覃恩特封爾爲孺人祇荷六珈之服益虔四德之惇
封贈原任福建建寧府浦城縣知縣梁槐并妻彭氏

崇正

二年

敕曰人臣宣勞民務殫精以綏懷黔首固當追崇其秩

矧子復闡光懿緒顧瞻堂構可緩推褒乎爾原任福建建寧府浦城縣知縣梁槐乃浙江紹興府諸暨縣知縣梁燿書之父士類儀標邦家良吏守嚴於已聿騰茹蘖之聲惠浹於民聊試烹鮮之手不意鴻猷未究于躬忽焉駿業繼興其後新勣方隆前徽重朗茲以覃恩贈爾爲文林郎浙江紹興府諸暨縣祇荷焜煌之國典益昭赫奕之家聲

敕曰婦德不踰閭閻然夫振耀於前而子紹光於後則閭域之行豈不稱純備全昌哉爾彭氏乃浙江紹興府諸暨縣知縣梁燿書之母孝敬儉慈幽閒貞靜作

儋儷美鞠嗣垂休佐名俊以循良普澤閭閻勗哲孺
而和允啟英閎閱養方將夫鼎釜感忽貽於栢棬茲
以覃恩贈爾爲孺人赫恩初被于一朝渥澤滋培于
後允

敕封福建漳州府漳平縣知縣李希孟

敕曰士之挾策而來也毋問左右朕躬論商幃幄卽銜
一命而出者莫不矢言報國而其要總歸愛民爾福
建漳州府漳平縣知縣李希孟本先朝恩擢之英受
南國蒼生之牧寬仁化暴潛消遊釜之魚愷悌宜人
靜息駭輿之馬視蒸庶其如傷處衝繁而若暇初攄

經濟卽奏循良載道謳吟疊騰薦剡用是封爾爲文
林郎錫之敕命念爾靖獻之忱特沛寵褒之澤

敕封光祿良醞署署丞周彥斌并妻蘇氏

敕曰光祿寺之設所以掌俎豆膳羞之事

宗廟朝廷之用必得其人乃克共濟爾光祿寺良醞署
署丞周彥斌始由才諳擢任斯職歷年已久克愼且
勤宜錫 寵恩以旌勞勩是用進爾階徵仕郎錫之
敕命以爲爾榮爾其益盡乃心毋怠厥職欽哉

敕曰夫婦人倫之始故朝廷推恩臣下命必及之所以
重風化厚恩意也爾光祿寺良醞署署丞周彥斌妻

蘇氏克謹婦道以相其夫致能盡心於所職茲特封
爾爲孺人服此榮恩永光閨闈

敕贈光祿寺良醞署署丞周彥斌父耿暨母梁氏

敕曰國家推恩臣下必及其親者所以重本而勸孝也
而何閒於存沒哉爾光祿寺良醞署署丞周彥斌父
耿慶鍾厥子祿養乃違揆其所由宜隆卹典茲特贈
爲徵仕郎光祿寺良醞署署丞九原有知服斯寵命
敕曰朕惟羣臣之才者固本於父訓亦必資母德焉存
有褒沒有贈此國家之令典也爾光祿寺良醞署署
丞周彥斌母梁氏有子能官而不逮養沂推所自宜

有寵褒茲特贈爲孺人尙克欽承永賁幽壤

以上舊志

國朝

敕封廣西分巡右江兵備道陸蒼霖父斯仁母陳氏隆乾

五十年正月
正月初一日

制曰夙夜宣勞事君資於事父雲霄布澤教孝卽以教

忠特賁絲綸用光閎閱爾陸斯仁乃廣西分巡右江

兵備道陸蒼霖之父操修淳篤矩範嚴明術在詩書

克慎趨庭之訓業恢堂構實開作室之模茲以覃恩

封爾爲中憲大夫錫之誥命於戲錫天府之徽章殊

榮下逮際人倫之盛美茂典欽承祇服誥詞益勤勵
翼

制曰家聲昌大夙彰式穀之休壺教賢明不替樹護之
慕適逢上慶用錫殊榮爾陳氏乃廣西分巡右江兵
備道陸蒼霖之母敦習禮規恪循箴訓寢門治業著
恒德於貞心閨塾援經寓慈風於雅範茲以覃恩封
爾爲恭人於戲恩能育子挺杞梓之良材善必稱親
被笄珈之茂寵祇承嘉獎益表芳儀

封贈其曾祖父母祖父母伯父母及本身妻室文不備

載

敕封山西汾州府臨縣知縣霍作明祖父紀初

制曰考績報循良之最用獎臣勞推恩湖積累之遺載
揚祖澤爾霍紀初廼山西汾州府臨縣知縣霍作明
之祖父錫光有慶樹德務滋嗣清白之芳聲澤留再
世衍弓裘之令緒祐篤一堂茲以覃恩馳贈爾爲文
林郎山西汾州府臨縣知縣錫之敕命於戲聿修念
祖膺茂典而益勵新猷有穀貽孫發幽光而不彰潛
德

敕贈山西汾州府臨縣知縣霍作明父汝桂

制曰求治在親民之吏端重循良敎忠勵資敬之忱聿

隆褒獎爾霍汝桂乃山西汾州府臨縣知縣霍作明
之父裊躬淳厚垂訓端嚴業可開先式穀乃宣猷之
本澤堪啟後貽謀裕作牧之方茲以覃恩贈爾爲文
林郎山西汾州府臨縣知縣錫之敕命於戲克承清
白之風報茲嘉政用懋顯揚之志昭乃遺謨

敕贈羅定州東安縣教諭梁文勲父登魁母陸氏

制曰任使需才稱職志在官之美馳驅奏効報功膺錫
類之仁爾梁登魁乃原任廣東羅定州東安縣教諭
梁文勲之父雅尙素風長迎善氣弓冶克勤於庭訓
箕裘丕裕夫家聲茲以覃恩馳贈爾爲修職郎廣東